

啓禎野乘
八卷十五
至十六



啓禎野乘八冊



敬禎野乘一集卷十五

梁溪鄒

漪流綺甫纂

陳烈婦傳

烈婦陳氏吳江沙港人也。陳為著姓。所婦張生士柏。夫而貧。士柏之兄士松素無賴。里有豪曰徐洪。聞烈婦之艾。謀置之側室。已與其伯有成言矣。懼烈婦之不從也。賄隣嫗托故宿其家為內應。統數十人夜襲之。烈婦被掠以去。求死不得。抵徐之家。愈求死。徐亦無可奈何。洪曰。若不從。當與張程為妻。張程者洪之



傭奴也。佯令程收婦。徹夜哭不絕。及明。洪有侄隣居婦。乃張產。見洪家之卒卒也。往視。聞冤號聲。不忍就察之。則其內戚也。拔而歸。諸其父烈婦曰。伯寔利其所有。徐不得志於我。終不我置也。訟之縣。或居間於令。令繆謂與程定情。三夕嫌貧逃歸。則刑其手而繫之獄。且令其父償伯之所得。烈婦曰。旣罪矣。且又誣我。不再訟。則冤不自適。巡方御史路振飛按部松江。與其父走松江。訴之御史。披其牘。反復窮詰。不准爲埋。烈婦遂伏地。御史命之起。不應。怪之。令視之。則刺

刃於頸。而兩手案之死矣。御史大驚。疾命醫。已不可救。聞其衣衣盡。複遍紉其肩折之處。而厚以纏束。堅緻。不可復動。御史出十金爲周身之具。捕徐洪張士松等斃之。獄松江。許給諫譽卿露緘致御史書。爲烈嬖暴冤。且曰。不脛而走。流傳長安。稱柏臺之下。有列死之少婦。奈何不聞之上也。於是御史疏於朝。罪狀令令不一。月暴死郡城舟中。而徐洪張士松之黨有漏網者。復爲震雷擊死。論曰。烈婦之死也。自令以下。償其死者。蓋不一云。或

死於法或死於神而盡以為烈婦之報乃忠臣殉國者多剖肝瀝胆毒子沉妻而不得邀其報於天也天固速於報婦人而遲於報男子哉

劉烈女傳

劉烈女蓋倪文正公所傳云女錢塘人也居江滸年十九字諸生吳嘉諫未歸其父元輔舊嘗將五百人禦倭海上中罷家貧所居淺隘與少年張阿官隣阿官故逋蕩窺女貌都狂發夜躍上樓穴窻入女大呼賊踉蹌脫走元輔驚起擒阿官繫而髡焉未及旦阿官兄子養忠知之遽糾黨斬門謀奪阿官且鳴金號于眾曰元輔實以女俵而又弄之女聞之拊膺長號曰天平辱人至此當是時女父母專外禦不能中顧

及事解散○登樓見女投繯○奔救已氣絕○乃以聞于郡○
有訟梟曰丁玉蘭者○爲阿官謀賄元輔金○當讞元輔○
顧訴女承污○若爲奸露然者○時郡守河南劉公鳴謙○
有廉明聲心○因疑之○乃故軒其獄○而陰使人四出物○
色○數日盡得女潔烈○及元輔受金狀○復請之臺使者○
檄同從事北海劉公雜治之一訊○吐實于是阿官等○
論如法闔郡譟呼有爲之謠曰○兩劉誓一劉烈江河○
海流令江河海者○指女及兩公所居地而言○先是女○
歲之三○日嘉諫往市時六月溽暑女面色如生嘉諫

又以法驗女眉實處子○乃拊屍大慟女眼中忽逆血○
激注嘉諫面縷縷如含噴然嘉諫手拭之乃已而丁○
玉蘭者一日白晝忽見女立其庭自搏叩頭立死一○
時驚異以爲神明云○
論曰女之拒阿官也不忍以含貞未字辱於狂且也○
迨張旣就擒雖其兄之誣枉獨不可從容白乎女固○
可以無死○彼誠不忍以皎然之軀掛輕薄齒牙所謂○
爲行而使人疑之非烈士耳○夫世有飾倚門之裝揚○
揚意得者○則亦有聞行露之名○斷頭決腹以死明節○

者○文○正○傳○烈○女○固○卽○其○全○歸○志○也○夫○唐○貴○梅○之○傳○以○
楊○升○庵○先○生○女○之○傳○以○文○正○公○然○則○筆○墨○之○功○于○貞○
烈○豈○在○建○坊○表○里○下○哉○

景烈婦傳

景烈婦崑山人景生運昌妻也姓陳父用熙年十八
歸生不一年生天婦一號什地姑用桃菊呼醒婦泣
曰夫魂未遠也婦隨往矣已而曰吾且視飯舍旣畢
殮聚衣冠置柩側取已履與夫履並置晝夜哭數求
死舅姑恻之曰幸念我二老人婦曰大人有長子侍
養無須婦婦又無子且夫死時舅以指探噤夫呼父
勿探恐噤父指時嬾在側訖不一語瞪目一視而已
是夫固信婦必死矣願終聽婦死婢聞之同伯女守

益方○然婦終不食○姑強之○啜糜一盂○卽止○旣親戚唁
生者○至舅及長子○俱不在○姑出迎婦○趣婢入厨取糜○
復給伯女曰○汝第往視午餐具○吾自上食○二人出○乃
闔戶○縊縊帛盈尺○身隨帛轉○面向夫柩○足離戶限半
寸○顏如生○距夫死凡十八日○死而目瞑○舅姑環泣○乃
歛○開一線○淚垂垂○欲下里中駭爲神○方景生之死也○
父翁來探疾○聞婦死○不入門○頓足曰○吾女死矣○吾女
死矣○其見信如此○

論曰○婦以夫爲天○有子則守○無子則死○婦死未奇也○
乃○未死而夫信之○父信之○此其平日○香奩形史○聞素
所○挾持可知矣○夫世固有明詩習禮○雍容環珮○于衆
處○而宵行多露○于燕私者○必無流水游龍○明燭燼服○
于○平居而截耳毀容○慷慨殺身○于一旦者○身筮仕○
莫○不肯然○擇臣取友○亦尚觀其素所挾持哉○

貞女傳

貞女名德貞盱江人益府輔國將軍常蒞三女也祖
錫有賢名嘗彙輯仁孝皇后訓善內訓及章聖皇
太后女訓古列女傳女孝經女誠諸書爲女教大成
行世女幼淑家訓性至孝八歲字儀衛副王廷卿子
重賢十歲重賢殤女聞訃卽素食縞衣繡大士象蚤
暮焚修如懸在庭及笄有求姻者始跪告父母曰女
王氏婦也自重賢死之日而志決矣父母怒責之女
志益堅且誓曰必不得爲未亡人不可爲人不如死

三日不食。殯之。食閉戶自經。遂無復議婚者。天啟辛酉。穆女年十八矣。值重賢忌日。先期叩父母。爲製服。敬益王廟。辭義不回。轅遂于八月二十九日歸。王女乘素車。衰絰執杖。就位舉哀。設奠自製文告。重賢曰。共伯蚤死。共姜守義之。歿靡他。柏舟矢志。世有升降。心無古今。聖經垂訓。女史有箴。嗟未亡人。誕育宗室。八歲許婚。實有定匹。云何不幸。夫也遽殤。我雖幼小。默念纒常。祖王好賢。父母樂善。內則熟聞芳規。習見官闈。墓編永謝鉛華。堅持節孝。光我國家。茲及笄年。當以歿決。籲天叩闈。庶幾監察。逝不改適。從一而終。僉曰。孔臧稍慰。忡忡登子之堂。設子之位。寫此血衷。傾此血涕。甘執婦道。事我舅姑。他日同穴。其無愧乎。輔國知廷卿貧。爲置產。供朝夕。備祭祀。郡縣上其事。以年未及格。先行獎勸。引淮藩宗女隆姬例。歲給贍米五十石。盱江人歌頌之。論曰。禮壹與之齊。終身不改。若未與齊而改。雖從俗。亦未爲非也。然婚始納采。二家告天地祖宗。名諸族戚。實有定匹。是可改乎。昔齊女嫁衛。至城門而衛君

薨保母曰可以還矣。女不聽。遂入持三年之喪。畢其弟立。請曰。衛小國也。不容二庖。請同庖。終不聽。衛君愬於齊。兄弟皆欲與君。女終不聽。事與縣君頗類。然在國稱女在途稱婦。入國稱夫人。不可返。猶不敢亂也。若縣君在。可改。不可改。間而斷。斷不改者。蓋其至性有過人者也。國家功令。民間節婦。旌必五十。此待中材則然。若縣君大貞大節。極奇極難。天潢淑媛。寧可以例拘耶。晉江蔣若柳先生奉使建昌。力與當事言。宜急旌。而縣君年方三十。有二子。格尚蚤。不知此。一年足當人百年也。况嘗割股療父。貞又兼之以孝哉。

女仙傳

女仙者吳江葉工部季女小鸞也。字瓊章。又字瑤期。母沈夫人宛君。工部擅雕龍譽。宛君亦班蔡齊驅。故子女多慧絕。工詩詞。鸞生而鬢髮素額。脩眉玉頰。朱唇皓齒。端鼻媚。蓄明眸。善睇秀色。可餐。又端嚴莊靚。謝夫人林下風。顧家婦。閨房秀兼而有之。四歲能誦離騷。十二解賦詩。十四歲能奕。十六歲善琴。家有函卷。卽能摹寫。忽以壬申九月。婿張生家行催妝禮。日病。至十月十日。星眸炯炯。念佛聲明朗。清徹須臾而

逝時年十七。逝後工部哀之甚。時吳中泐菴大師陳
隋宿德也。親受天台大師止觀之教。歷千餘年。墮神
趣中。現女人身。能以佛法行冥事。工部乃恭設香花
幡幢。敦延鑿馭。師既至。工部以小鸞問師曰。月府侍
書女也。問何故下謫。曰。游戲。問游戲何至我家。曰。神
仙游戲。何必擇清節之家。且昔與君曾相會也。問今
往何處。曰。緱山仙府。在雲霞之外。問在月府何名。曰。
寒簧。問與張婚何緣。曰。曾一見耳。張郎前身姓鄭。浙
中一鉅卿公子。鄭之前身。固叅宗師。亦龍姿也。嘗其

為鄭生時。自謂曾脩玉京女史。寒簧偶聞斯言。卽于
其讀書樓下。花架中。一現仙女。天身。此天順二年三
月初三日事。張之今有是緣。以前是未得詳觀。竒麗
踪跡。邑邑不遂。故又尋至耳。問何以終不得合。曰。寒
簧偶以書生狂言。不覺心動失笑。實則旣一現後。卽
已深悔。斷不願謫人間。行鄙褻事。然上界已切責其
一咲。故來。因復自悔。故來而不與合也。工部以招魂
請師。初難之。後泣懇再三。果招鸞至。至卽賦詩曰。身
非巫女慣行雲。肯對三星蹴絳裙。清笑聲中輕脫去。

瑶天仙鶴兩行分。工部問鸞既隸仙籍。死時是何光
景。何人邀往。鸞云。菩薩有變易生死。衆生有分段生
死。兒猶在分段之中。去時但見童面如玉。女面如珠。
紫金幢。赤珊瑚。節大紅流蘇。結爲臺閣。青猊駕橋。赤
虬騎乘黃雲。蓋頂青雲捧足。紅雲開路。白雲護身。爾
時殊樂不知苦也。問。今夕何以來。云。亦乘雲飛來耳。
問。合未竟。師云。無明緣行。行緣識。識緣名色。名色緣
六入。六入緣觸。觸緣受。受緣愛。愛緣取。取緣有。有緣
生。緣老死。悲苦惱。若諦聽之。我當細講。停此甚

久。師云。奇哉。是也。割受第一。又云。菩薩正妙於從空
出假。子真妙悟天開也。鸞卽作詩呈師云。弱水安能
制毒龍。竿頭一轉拜師功。從今別却芙蓉主。永侍猊
牀。沐下風。師云。不敢。鸞云。願從大師授記。不往仙府
矣。師因爲審戒。問。曾犯殺戒否。鸞云。曾犯。師問。如何。
鸞云。曾呼小玉。除花虱也。遣輕絛。壞蝶衣。問。盜戒。鸞
云。曾犯。不知新綠誰家樹。怪底清簫何處聲。問。淫戒。
鸞云。曾犯。晚鏡偷窺眉曲曲。春裙親繡鳥雙雙。問。妄
言。鸞云。曾犯。自謂前生歡喜地。詭云。今坐辨才天。問。

綺語鸞云曾犯團香製就夫人字鏤雪裝成幼婦詞
問兩舌鸞云曾犯對月意添愁喜句拈花評出短長
謠問惡口鸞云曾犯生怕簾開訊燕子爲憐花謝罵
東風問犯貪鸞云曾犯經營細帙成千軸辛苦鶯花
滿一庭問犯嗔鸞云曾犯怪它道蘊敲枯硯薄彼崔
徽撲玉釵問犯癡鸞云曾犯勉棄珠環收漢玉戲捐
粉盒葬花魂師大歎賞遂與之戒名曰智斷鸞問何
謂智師云有道種智一切智一切種智又問何謂斷
師云斷塵沙惑斷無明惑有三智應修三惑應斷菩薩

薩有智德斷德智斷者菩薩之二德也鸞云菩薩以
無所得故而得應以無所斷故而斷師大驚曰我不
敢復以神仙待子也可謂迥絕無際矣遂字曰絕際
以上癸酉六月初十語也至秋宛君復逝工部乃以
明年四月再邀師師果引宛君小鸞及鸞姊昭齊至
蓋昭齊亦後鸞卒也至卽聯句曰靈辰啟新霽密壺
升名香師神風動瑤天宛道氣瀟曲廊昭愁燕驚我
歸宛疏花露我牀鸞宿蛛罨我釵宛飄埃沾我裳昭
繡花生匣鎖宛蟲鼠游裙箱鸞遺掛了非我宛檀佛

因專房鸞新花為誰綠昭朱曦慘無光君子知我來

清涕流縱橫宛舅氏知我來不復成趨踰昭兄弟知

我來眾情合一槍鸞婢僕知我來酒掃東西忙宛請

君置家業觀我敷道場須彌已如砥師黑海飛塵揚

鸞月亦沉崑崙師日不居扶桑鸞帝釋辭交珠師迦

文掩師幢鸞萬法會有盡師一切皆無常鸞獨有芬

陀華久久延奇芳靈光頭上搖師慈雲寰中翔鸞斷

三而得三師遮雙即照雙鸞父兄亦眾生母女成法

王師感應今日交宛圍繞後時長昭思之當歡踊鸞

何為又徬徨師詩畢工部與宛君問答甚多後問鸞

在緱山有詩作否鸞云世法無常念歸滅盡如不火

水沫我寧為其動搖哉返生香一刻正如石灰囊已

留一迹倘到處留迹不巳勞乎將辭歸復告工部曰

父還要眼明手快情種愁苗乃是入獄根本一刀割

絕立地清凉遂去工部自叙其事刻續窈聞中

論曰鸞之仙也信乎曰信然則不虞如昌黎之訛謝

月然乎曰仙人可贖絕代之才人絕世之佳人不可

贖若才人佳人中挾仙氣者尤不可贖夫鸞則既兼

是三者矣。此固邢尹之所低頭，薛校書班婕妤好之所掩面，而亦董雙成、萼綠華輩之所逡巡，遜席者也。彤管香奩，何幸有此安可不傳？且工部遺榮高蹈，似梅子真。宛君清節素心，似魏夫人。一門眷屬，無非仙籍。片人又何疑于鸞哉。

孫烈婦傳

烈婦杜氏，直隸任丘人，絳州刺史濬孫女也。幼字諸生孫鎗，鎗故相國愷陽公子美丰采，多才能，相國自登揆，至籌邊，往往倚爲左右手。婦年十五，于歸，卽隨相國於京，恪修婦道。相國所需五飯、酒漿之屬，咄嗟而辦。侍姑王夫人，湯藥四旬不交睫，以孝聞。亡何，鎗病不起，婦早夜焚香，籲天求代，身病闕弗言也。鎗死，厥母慰之，覺有異，欲爲尋醫，婦謝曰：寧有未亡人露腕診脉耶？雖哭聲殷田，猶日食一盂，屈五七作佛事。

罷忽出嫁時裝分賜子女曰此非爲汝曹資令汝曹知前人儉朴也遂從此絕粒諸姊妹勸不應侍婢以相國命臨之亦不應卽諸子女環跪絮泣婦曰汝曹可以無母生也如予乃可以死矣天旣以死苦未死者何忍以不死苦歿者其母又哭而勸曰兒過矣節可守焉用死爲婦曰使節婦必窮盛而死忠臣必板蕩而死則歿亦無聊之計耳人各有死何憾焉越七日不食死年僅三十史臣姚希孟誌其墓論曰予嘗聞之董玄宰先生先生往過建陽邑令吳

之洪爲言地無節烈垂五百年又驅車山東有丘少司寇樛其子已成進士丘公有西河之泣雲間陸公樹德唁之詢及婺室丘公曰嫁之矣陸公大駭丘公曰嘻栢舟之詠錄於聖人懷清之臺築於天子此光岳之間氣可繫望之人人乎若丘公者可與衡節烈之繫矣烈婦所生所歸皆望族卽守節以老上邀旌典誰曰不宜而必舍垂白之高堂棄繞膝之穉子蹈死如飴從夫地下凡若所爲烈婦自處極難耳余故表而出之以誌高陽孫氏世篤忠烈雖婦人亦鍾其

罷忽出嫁時裝分賜子女曰此非爲汝曹資令汝曹
知前人儉朴也遂從此絕粒諸姊姒勸不應侍婢以
相國命臨之亦不應卽諸子女環跪絮泣婦曰汝曹
可以無母生也如子乃可以死矣天旣以死苦未死
者何忍以不死苦歿者其母又哭而勸曰兒過矣節
可守焉用死爲婦曰使節婦必窮盛而死忠臣必板
蕩而死則歿亦無聊之計耳人各有死何憾焉越七
日不食死年僅三十史臣姚希孟誌其墓
論曰予嘗聞之董玄宰先生先生往過建陽邑令吳

之洪爲言地無節烈垂五百年又驅車山東有丘少
司寇攝其子已成進士丘公有西河之泣雲間陸公
樹德唁之詢及婺室丘公曰嫁之矣陸公大駭丘公
曰嘻栢舟之詠錄於聖人懷清之臺築於天子此光
岳之間氣可繫望之人人乎若丘公者可與衡節烈
之繫矣烈婦所生所歸皆望族卽守節以老上邀旌
典誰曰不宜而必舍垂白之高堂棄繞膝之穉子蹈
死如飴從夫地下凡若所爲烈婦自處極難耳余故
表而出之以誌高陽孫氏世篤忠烈雖婦人亦鍾其

異如此。

嚴烈婦傳

烈婦羅氏。楚華容嚴循閑之妻也。循閑性通敏。喜飾儀容。好學。廣交。尤善滑稽。婦年十八歸嚴。貌寢而拙。初不善事夫。朞年生一女。卽爲循閑所棄。不共衾枕者十餘年。婦獨與其女共晨夕。拮据米鹽。不啻未亡人。然事舅姑。彌謹。供奉中饋。無闕。每客至。則未嘗入謀。而杯盤應時。而具。雖黽勉同心者。未逮也。於是戚屬咸責詈。循閑爲婦不平。久之。循閑病。婦侍湯藥。夙夜不懈者二百餘日。及病不起。婦私自泣。目盡瘡。抱

其女屬姑曰○脫有不諱○當以身殉○願視此女如子○此
循○閑○死○婦○哭○盡○哀○誓○不○食○姑○密○令○女○婢○防○守○是○夜○漏
盡○溢○於○循○閑○棺○側○同○穴○而○封○里○人○為○歌○穀○則○異○室○死
則○同○穴○之○章○以○誅○之○

論曰○嘗讀史至豫讓○衆人國士之論○深為不平○充類
言之○假使寇仇待我○亦將寇仇報之○彼亂臣賊子○豈
皆發難無故者乎○夫兄及弟矣○尚無相猶○君父之前○
何○可○以○稱○物○平○施○也○烈婦失悅於夫○而謹事如故○卒
以身殉○以視古今節烈○又加一等矣○彼循閑者○正氣



劉娥傳

劉娥者名妙才京師東城大倉隅女子也父名蘭娥負絕色生而靜婉幼不窺戶已笄坊人不知其密鄰知之求爲子配父不諾鄰御之神廟時爲元子擇耦屢選不中格執事者懼下令大索鄰乃告蘭有女于御史具生年日月姿形長短甚備御史急下司城以其言爲徵娥家不能匿乃出見之衣青紵裙碧羅素約淹潤輝耀自灼司城驚賀急告御史御史告尚書儀郎皆選第一次則郭金吾女同館于諸王府司

禮大璫宋宏主選事○嘗見娥却立數步○進而掠其願○
日○蘋○果○色○豈○過○是○乎○娥○叱○曰○奴○何○敢○無○禮○璫○怒○且○懼○
乃復于兩宮曰○劉女果第一○但性惰○恐不能承歡○不
如郭女○遂賜娥金帛○罷歸郭女得上配○卽光廟元
后也○先是落選女子○出則聲價高○貴家爭聘○致爲隆
重○娥方妙年○端麗秀雅○望若仙姝○勲戚家不惜珠寶
以下萬爭欲得娥○娥毅然謂父曰○兒尚得爲外間婦
耶○自兒被選○引入宮見后○文武大吏皆以元妃目屬
兒○自今元妃與兒同卧起○幾三月餘○卽無幸見罷固
居然叨簪官家矣○外間何等子○乃得加兒父母及戚
屬固強之○不得尋渭南太史某議○將委禽娥○乃以鐵
椎○椎兩齒立落○父驚懼不敢復萌前心矣○娥素未奉
師訓○自能研心典籍○有若天授博極羣書○尤邃于易
扁戶丹鉛○雖親密非告不得見○每日父老矣○父不幸
卽依母母老矣○倘先不幸○依母九原不及事父矣○乃
以女紅銖累易木爲三棺○以備二親及身○終事崇禎
元年○娥年四十六○母老死○乃焚其典籍○以麻辯髮○衷
衣外縷密縫相屬○納取毀二齒于懷○長跪母前不食

十日死將死時書遺述若騷賦體詞曰粵鴻濛之元
 始兮一真獨立爰太極之兩儀兮肇有陽陰定三才
 而人出兮曰夫曰婦寔聖人之建極兮體法天心我
 生平茲盛世兮乃一女流幸賦受乎中華兮得宅彝
 倫念有生之奉天道兮原出素志匪因藉乎習氣兮
 粉飾帔巾昔應神皇之詔選元嗣妃兮金門履極
 既承命之弗中諸上兮予衷念亦悅欣悅塵緣之速
 已兮懷無長事心清淨以自得兮萃胥是憑間無知
 徒以自欺忠兮豐金誘予志予笑毀清顏而碎玉齒

今將示鑑乎同流日晨朝昊天而禮玉帝兮瞻對
 于我元父每讚咏洞章稽首于太上兮親奉造物之
 大君修爾慈氏之條閑長逝兮瑤池陟降予既閨中
 處子兮何克周侍乎嚴君曩欲捐軀以赴鼎湖兮念
 鞠育之鮮托今從容閉穀盡一命以從母靈兮將跡
 出入乎太清飛神馭以遐升乎金闕兮觀鬱羅之寶
 壇謁玄元帝王于玉陛之下兮真常遊晏乎玉京躡
 雲颺于碧落兮步蓬瀛而翱翔闔苑貞一神于玄漠
 兮永振正乎皇明款曰昊天玉帝金闕門下親奉

玉几侍香仙姝南嶽紫虛治下控鶴童子劉妙才遺
述死後好事者卽就圖其容顏好尚如備選時御史
上其事 天子下詔旌貞孝士大夫過弔者塞坊門
或劇金爲祠之墓

論曰娥之貞孝允矣揆厥初心使獲奉昭陽長信後
塵或蚤配名閭不爲葛覃芣苢鍾禮郝法亦何必
矯奇以歿孝乎今歿于孝乃所以其貞耳夫女子
列名上掖庭不中選尚不欲自降屈士大夫爲朝廷
所賓興至賜宴大官釋褐辟雍尊榮至矣乃有不難
輕身以自辱者何耶

藍明娘傳

藍明娘者閩晉江南橋人也。父早歿，母孀居。六歲能
句讀，稍長，曉筆札，好讀孝經。烈女傳時時以奇男子
自許。母輒逆之。幼許城西黃郎。郎年十七，有逸才。癸
未補郡庠。是年十月，暴殤訃及藍氏門。明娘恐傷婆
母心，吞聲飲泣，日侍多慘容。數數向母訴曰：黃家無
他嗣，願從母乞身歸養。母不諾。越十有二月，人從黃
家來，道郎以五日除位。明娘立地徬徨，瞪目淚下。復
請為之喪，又不諾。乃不復吞聲號慟，欲絕。是夜伏寢。

忽中宵歎坐簀間水汗淋漓下疾呼黃郎名者再母
與同衾徐撫乃降凌晨盥梳猶持櫛出爲母髻假托
自沐掩閨自經以死母聞聲往救氣已絕顏色如生
解環置簀見編素周縈屬體皆新忽於帶側露紅箋
小幅書男人勿近我身女人勿開我衿十二字時明
娘方十六齡少黃郎一歲事在崇禎十七年十二月
四日黃郎名祥麟云
論曰溫陵衣冠文物甲天下乃神京失守殉難寥寥
明娘一弱齡女子耳非詩書之故家有閨閣之嚴訓
能獨明於綱常分義蹈死如飴從夫地下豈非巾幗
鬚眉也哉

黃烈女傳

烈女湖廣應山人也。父希閔爲明經。剛方篤摯。有古
人風。艱於嗣。僅生三女。女居長。生而靜慧。通書史。名
門之女。風範穆如。幼字邑涂生某。涂故希閔執友子。
少孤。家日落。與其弟奉孀母。以居。煢煢弗自給。女年
十七。將歸。涂忽病且死。女泣告父曰。兒字涂。蓋有
年。忠不二事。烈不再更。吾婉婉姆訓。時佩服素矣。夫
既長逝。請從此死。父愕然曰。禮女未嫁。則從父。汝父
况無子。汝爲夫死。如汝父何。女持不可。無已。請以父

生子爲期。時父兩側室俱孕也。亡何微聞客有爲執
柯者。女悲憤舉刀截指四拇俱斷。客驚走。因請舍旁
宅居其姑。若叔而奉涂生靈。其間朝夕哭臨如婦禮。
已又請于父曰。叔與季妹年相當。盍字之。蓋痛其身
之不得爲涂婦而欲妹代已以事姑也。女心蓋滋苦
哉。父許諾。未幾父所舉二子皆不育而父亦不起矣。
遺貲三百金。女乃以百金襄父後事。葬祭成禮。其餘
分半以予妹。而以其半予族弟。立爲父後。條理井然。
區畫畢。至從容告家衆曰。吾今可從涂氏于地下
矣。爰擇期歸塗門。拜其母。拜其姑。且拜其兩姪曰。吾
不能事母爲叔妹累。而季妹則所托以事姑者。後相
與再拜叮嚀。遂痛哭不食七日。死。死之先一日。邑令
聞而奇之。亟馳視。且爲任後事。女固辭。強而後可。是
時女已淹淹垂絕。猶引被覆面。僅見其手指。刀痕歎
息良久。爲之流涕。女旣死。與涂生同穴而封。令爲勒
石紀其事。

論曰。女未嫁爲夫死。所爲未事君而忠有餘者。此靖
難補鍋賣薪之流也。顧子獨奇女一弱齡閨秀耳。經

理○大○事○從○容○縝○密○迨○至○一○年○之○後○赴○死○如○飴○雖○古○托○
孤○寄○命○大○臣○幹○濟○何○可○及○哉○語○云○求○忠○臣○必○于○孝○子○
之○門○余○亦○謂○求○烈○婦○必○于○孝○女○之○室○信○夫○

梁烈婦傳

烈婦張氏直隸清苑人也生有至性識大義配進士
梁公以樟庚辰梁公令太康明年調商丘時賊犯開
封○商○丘○皇○皇○公○素○具○經○濟○才○按○行○城○堡○脩○守○禦○拓○戍
邏○凡○渠○荅○藺○石○砲○弩○之○屬○無○不○具○數○單○騎○走○風○雪○中○
拊○循○士○卒○嘗○憤○語○烈○婦○曰○吾○為○天○子○命○吏○誓○必○與○城○
存○亡○矣○烈○婦○額○之○壬○午○春○三○月○闖○賊○李○自○成○合○袁○羅
等○衆○百○萬○攻○商○丘○公○乘○城○距○守○旣○夕○宵○而○進○拜○辭○其○
父○中○議○公○主○與○烈○婦○訣○曰○城○且○陷○我○必○死○知○汝○亦○必○

死○左○右○皆○掩○面○泣○烈○婦○亦○泣○指○所○居○樓○曰○尸○我○於○是○
命○老○僕○楊○材○積○薪○環○其○樓○且○告○曰○若○城○朝○以○陷○則○火○
朝○以○舉○夕○以○陷○則○夕○以○舉○毋○遲○我○死○公○胄○而○出○登○陴○
賊○帳○延○袤○數○十○里○晝○夜○環○攻○駁○石○上○擊○人○皆○披○靡○烈○
婦○傾○橐○裝○市○牛○酒○以○資○軍○賞○公○忠○憤○激○發○督○死○士○二○
百○人○夜○縋○城○下○擊○賊○斬○殺○無○算○賊○營○潰○隨○合○圍○垂○五○
日○攻○益○急○會○知○府○某○有○外○心○城○遂○陷○公○猶○跨○刀○巷○戰○
賊○說○降○公○不○屈○賊○刃○公○仆○地○烈○婦○聞○之○曰○吾○夫○死○矣○
遂○衣○白○衣○驅○媵○婢○登○樓○繫○環○於○梁○將○自○縊○呼○楊○材○舉○
火○材○不○忍○烈○婦○叱○曰○汝○忘○而○主○訣○別○時○而○背○之○耶○事○
急○使○我○不○速○死○汝○罪○莫○贖○矣○材○伏○地○哭○叩○頭○舉○火○烈○
婦○死○三○十○餘○人○從○死○其○慷慨○赴○義○如○此○一○子○燹○方○九○
歲○隨○烈○婦○登○樓○火○熾○哀○號○酸○中○老○嫗○急○掖○之○曰○主○人○
唯○此○兒○幸○得○脫○歸○以○後○梁○氏○從○樓○上○推○墜○兒○僕○王○政○
負○兒○逃○是○夕○邑○民○求○公○於○亂○屍○中○救○之○復○甦○而○烈○婦○
則○死○矣○商○丘○人○相○與○感○嘆○立○烈○婦○祠○春○秋○祀○之○
論○曰○烈○婦○之○死○卓○矣○觀○其○聞○變○慷慨○絕○無○瞻○顧○依○回○
之○意○烈○婦○蓋○以○一○死○愧○夫○世○之○許○人○以○死○而○卒○不○死○

者也○若○梁○公○之○死○而○復○甦○實○有○天○焉○彼○三○十○六○人○同
歸○烈○焰○始○知○廉○頑○起○懦○正○無○待○百○世○之○下○也○

萬烈女傳

烈女字丙卿○湖廣孝昌人也○父宏嘗夢紅日墮室○遂
生女○幼敏妙○女紅刺繡巧絕○天孫許字楊洪柱○柱有
疾○疾且劇○女聞之○懼心○篋腑○泪下盈睫○父母莫可爲
解○已而泣告於父○蓋指其指釧以佐枉藥餌資○且日
夜焚香額天○願以身代○自是減食廢寢○形銷骨削○凡
居恒所嗜珍玩○密聚一篋中○示不復御○母覺之○怖
甚○謂女曰○汝處子未歸○楊安用若是○女感然曰○母珠
玉○視兒忍○使兒他適○爲家門辱耶○已而戚屬交相慰○

女正色曰吾愿定矣逆吾志吾赴軀南池以飼魚鼈耳父母益不敢逼第謹伺之女謂母曰兒生一刻卽一刻如攢鋒烏用生爲幸舍兒母相苦也未幾柱計至女一慟而絕項之少醒乘間閉戶自經死是日空中雜然作簫鼓聲市人驚謂仙姬上昇云論曰生死豈不重哉讀烈婦事而人知生死輕生歟輕而後可以爲忠爲孝子爲烈士謂一婦人爲百世師可也于今門尤奔灑一柱矣

黃烈女傳

女黃氏濟南商河人父茂才女嘗問其父曰何謂四德父畫一析之女曰女德一而已言則長舌容則誨淫工則墮巧德一而已何四爲父叩其志女曰吾樂秋霜不樂春露父詰之女曰秋霜殺物春露濡人父大異幼字王生治新旣而女喪母哀毀幾絕事父撫弟治家井井乙丑東賊作剽歛王里王生以遁免王去黃十里而近賊掩至黃舍繫女父榜掠之併及其弟女哭而前長跪諸賊曰將軍所以危我父弟者欲

得財耳貧儒之家囊篋幾何豈能自匿且妾年十七
將嫁矣所有簪珥奩具願盡輸將軍以釋吾父弟賊
見女貌修而詞愉乃曰吾不欲得財欲得汝汝能從
我者宥汝父弟不然吾刀且下矣女俯首霽顏曰將
軍若肯釋吾父弟吾又何惜一身賊曰汝勿給我女
復笑曰妾怯懾女子也今將軍圍列如林巨刃蔽我
前長戟鉤我後弓稍韜尾何處不能歟殺我妾無爪
洞地無翅躋天豈能給將軍賊喜乃釋去父弟頌之
度父弟已遠乃正色詰賊曰誰欲得我者賊爭曰我

也我也女戟手大罵曰我儒家產也我夫年十五而
為諸生吾視汝如犬彘如豺豹如蛇螫吾恨吾質弱
不能堪汝胸菩汝喉飲汝血嚼汝筋吾豈肯從汝哉
速殺我勿遲賊相顧辭吾曰異哉汝求死欲何為女
厲聲曰我死則化而為鵲汝為鵲化而為鶴汝為蛇
世○世○啖○汝○賊○猶○未○揮○刃○女○奪○其○刀○欲○搥○賊○賊○乃○亂○刺○
殺之里人望見旌旛蔽空咸以女為神云
論曰女以質弱質既甘言以脫父復矢志以殉夫
一念節烈立證扼提吾知黃女定生九品蓮花中矣

豈猶滯鬼錄哉

徐孝婦傳

孝婦湖廣漢陽人也。幼字村民汪卷。卷固貧窶。爲人傭。毋。鄧。毫。矣。婦歸。卷。晝耕暮織。其事姑。雞豚蔬菜。未嘗匱乏。歲己巳庚午間。大飢疫。婦與卷乞食。食無從乞。鬻身。身無從鬻。鄧且病垂斃。偶思猪肝。婦匍匐往市。跪求屠者。屠不與。日旣無錢。勿望肝也。婦不得已。泣歸。念猪肝不可得。人肝。猪肝味。或同。萬一人肝可醫。吾姑姑生而我死。死何惜。遂夜半自引刀剖其脅。凡三剖。肝不出。將更舉刃。忽見白衣嫗。謂汝不得用。

乃○法○刀○宜○橫○不○宜○直○婦○從○之○奏○刀○若○然○肝○果○出○乃○爲
湯○以○進○姑○姑○頓○愈○當○爲○湯○時○婦○全○不○覺○踰○時○割○甚○婦
昏○瞶○復○見○白○衣○姬○者○謂○汝○無○慮○我○起○汝○婦○果○霍○然○越
數○年○姑○壽○終○婦○砌○土○結○艸○廬○姑○墓○一○羹○一○茗○必○躬○捧
奠○墓○前○墓○在○山○僻○處○風○雨○晦○冥○烟○霧○四○塞○山○鬼○號○呼
蛇○豕○橫○突○婦○無○懼○日○擔○薪○汲○水○爲○常○或○助○以○衣○食○者
謝○不○受○日○勞○苦○凍○餓○不○過○死○耳○我○自○割○肝○時○死○矣○爲
姑○活○今○死○墓○早○晚○死○不○論○也○漢○陽○令○楊○四○知○稔○其○事
奏○記○上○臺○爲○請○蒞○於○朝

論○曰○余○讀○形○史○遺○編○見○割○耳○斷○臂○詎○婦○人○無○俠○氣○然
瑤○池○冰○雪○或○甘○心○伉○儷○而○未○必○矢○念○萱○庭○號○江○負○尸
詎○女○子○無○孝○行○然○抱○石○懷○沙○或○結○念○毛○裏○而○未○必○篤
情○姑○嫜○割○股○祝○髮○詎○兒○婦○忘○高○堂○然○毀○容○傷○體○或○抱
痛○肢○節○而○未○必○盡○闕○生○死○獨○婦○一○念○篤○至○九○死○不○回
胃○白○刃○而○如○雪○比○剖○心○以○同○休○洵○奇○孝○亦○至○孝○也○可
以○傳○矣

唐節婦傳

婦丁氏名寶貞醴陵茂才唐醴生妻也年十七歸唐
十九醴生亡矢天不二時有逼其嫁者以死自持乃
止孀居身容朴素六十年始終一節人無間言院道
採訪復其徭役每以羊酒旌之年八十卒郡倅周良
會作醴泉曲識之曰唐家婦丁家子十七入君門舍
羞未見齒唐郎棄妾何太早十九爲君服素縞君懷
磊落有至寶義不捨君瓊玉稿耳可斷鼻可截有髮
難解當時結醴泉潺潺清且潔淪我肺肝澡我節木

棉○彈○碎○瀟○湘○雲○寒○恍○織○落○梅○花○月○妾○本○未○亡○人○閉○門
不○管○秋○與○春○辦○釵○擁○髻○無○慚○面○留○取○重○泉○一○見○君
論○曰○一○曲○可○歌○可○詠○奇○節○多○藉○名○手○以○傳

陳烈婦傳

婦○陳○氏○松○江○人○父○某○世○爲○人○奴○女○具○艷○姿○年○十○八○歸
胡○氏○子○亦○鬻○身○於○人○者○也○越○歲○餘○胡○子○死○婦○哀○慟○甚
屢○絕○復○甦○舅○姑○將○嫁○之○女○不○從○有○鄰○姬○楊○勸○曰○若○固
貧○家○婦○卽○再○醮○無○關○門○閤○何○自○苦○爲○女○曰○忠○臣○不○事
二○君○烈○女○不○更○二○夫○豈○以○貴○賤○尊○卑○有○二○理○哉○亡○何
一○少○年○來○議○婚○女○乘○夜○閉○戶○自○縊○死
論○曰○婦○人○奴○也○能○殉○節○奴○人○者○何○如○哉○至○楊○姬○云○更
嫁○無○關○門○閤○余○謂○門○閤○二○字○誤○人○不○小○近○來○士○大○夫

家○無○論○婦○性○貞○淫○年○齒○老○少○男○女○有○無○而○概○言○守○節○
無○失○體○面○卒○至○流○穢○不○堪○其○玷○門○閥○更○甚○何○如○尋○常○
百○姓○及○早○更○嫁○之○為○得○乎○吾○友○陸○竺○僧○往○為○予○言○郡○
中○夫○椒○山○有○節○婦○年○近○七○十○已○經○憲○獎○其○孫○媳○寡○欲○
以○守○節○鳴○官○而○節○婦○呵○止○之○或○詰○曰○汝○身○為○節○婦○奈○
何○禁○人○守○節○耶○答○曰○惟○守○節○始○知○守○節○之○難○故○禁○之○
也○向○者○見○一○少○年○貌○類○亡○夫○輒○心○動○不○自○持○正○介○行○
止○間○忽○自○念○曰○奈○何○任○一○時○之○欲○虧○生○平○之○行○乎○方○
徘徊○堦○下○為○苦○痕○所○滑○且○暗○中○有○物○相○絆○一○跌○仆○地○

昏○暈○踰○時○醒○而○始○解○一○日○又○心○動○如○前○乃○詣○夫○靈○前○
痛○哭○以○手○拊○几○掌○心○誤○貫○燭○筌○上○復○痛○悶○久○之○始○醒○
自○此○念○漸○成○灰○吾○之○全○節○亦○有○天○幸○偶○一○失○是○萬○事○
瓦○裂○矣○蓋○男○女○之○際○大○欲○存○焉○惟○發○乎○情○止○乎○禮○義○
庶○幾○得○之○若○矯○焉○無○欲○者○僞○耳○予○惟○過○來○人○待○嘗○况○
味○其○可○以○最○苦○之○事○望○人○哉○後○孫○媳○改○適○果○以○夫○老○
大○滋○物○議○始○服○節○婦○為○有○見○也○世○之○為○家○長○及○司○風○
紀○者○又○可○不○聞○此○論○歟○

浦烈女傳

烈女浦氏無錫人父名慶祥字陳毓華平日讀烈女傳極重節孝大義有改節婦此不見毓華訃至驚痛欲絕父母知其志偵伺不離左右女佯爲解釋狀剪道鞋樣授妹書一火字於底意火字爲烈旁觀者不識也至晚伺稍懈女竟投後河死比奔救急欲解去濕衣乃自上至下皆密縫無可卸而雙環整整蓋母命于歸時所懸者越旦毓華母至喉間如有聲眼忽開鼻亦蘇蘇流涕乃瞑巡按御史邢彪佳疏其事奉

詔建坊旌表

論曰忠臣孝子義夫節婦皆天生之以扶植綱常而留人心於不死者也曠世一遇譬如祥麟威鳳景星慶雲蓋其難哉乃閱吾錫邑乘歷故禎朝僅二十年而以貞節稱者幾三四十人何高風之踵見歟抑虛名之相尚也按其尤者亟入集中則浦女幽芳異烈其最著云餘尚存笥以俟劾實雖善善覺長而真偽不可無辨彼有建坊表里楔掉崢嶸而以金錢倖得者何以見烈女於地下耶

王烈女傳

女枝江人字同邑子張維亡何維卒訃聞女大慟勺水不入口者數日母婉諭曰兒過矣兒雖受字未嘗結縵何過痛爲女曰不然夫世之號爲人婦者必入夫之室而後爲若有耶蓋自委禽之日已爲若婦矣吾天已不幸吾何之若再受聘於他人是二天也是欲禽犢我也請往弔父不允已而知維已葬女曰吾不相從於地下吾身將何之乃復號泣不絕聲母慮有他變命女奴監之歷丙夜監者寢寐女潛出投水

死之

論曰余讀彤管遺編見淑媛冰霜節操瘞河投水屢
 有之堂前之陳斷臂之李割鼻之高尤其較著彼皆
 為人妻者也而笄女不多聞間有未適而殉節者矣
 或懿親內強勢豪外逼患難中臨一時無以自解始
 棄捐其身王女猶處女也計張就木不踰旬日並無
 媒妁之言父母之命患難之來而竟問之水濱誓不
 二天殺身無悔女真可謂慷慨就義者矣

楊節孝傳

婦楊氏松滋人諸生張維妻也維歿氏年十八撫兩
 孺子痛心泣血誓以身殉其舅姑曲慰之謂婦死是
 殺孫也吾兩人老矣汝夫亦何負於汝而使之斬焉
 不復耶於是強起侍翁姑提携兩孺子嬉戲於前夜
 則漣漣哀不絕聲未浹旬姑遘疾婦躬侍湯藥未嘗
 違側衣不解帶二十年如一日有遊僧宿古刹夜半
 聞語以楊氏孝婦延其翁姑算各二紀自後壽皆耄
 耄如僧言教二子成立長應薦次應捷俱為諸生年

七十餘卒

論曰余聞本傳周子論節烈二義言烈者一往事也
 其精誠勃摯而出人皆見之節者操於幽微鍊於筋
 骨大抵必數十年而後見而此數十年風雨晦明曲
 折盤錯又不知幾撼動故人亦若視之淡漠而不知
 其所獨若至於其實効烈之道於身得矣而於人之
 家國未必有功節者既潔其身而卒以保濟其宗社
 譬之於周烈如苙弘節如共和烈如荀息節如寧武
 烈如程嬰節如杵臼在漢則蘇子卿之於膺滂也在

唐則狄梁公之於安金藏也在宋則文文山之於陸
 秀夫也不可以差殊論者也蓋節者嘗兼烈之苦而
 烈者不必有節之勞向使婦決脰而死則誰為撫孤
 誰為養老故如婦者以一生而寄四命者也寧可以
 死哉而予謂此論軒節輕烈似為一死塞責者有激
 而發若夫主君殉國血胤渺茫斷當以死為正彼醜
 顏視蔭息者固不可藉口於此也予錄其說以愧夫
 不能其管者耳

張烈婦傳

烈婦何氏湖廣宜城人也。幼順而慧，長歸諸生張聯奎。故貧士甫入門，謹修子婦禮，早夜操作，不避寒暑。束身端嚴，意常自下。至相夫子誦讀，脫簪珥以從。崇禎丙子，寇迫宜城，聯奎偕婦及子順童入城避難。聯奎以顧父旋返，獨婦母子踉蹌行。將屆城，賊轉近，男女奔避如蟻。婦坐昇中，自念矛鏑如雨，下奔亦死。不奔亦死，與辱身而死。母寧引頭當刃，忍痛須臾，全名萬古呱呱兒。勿顧也。特順童甫七歲，性至孝，戀母昇。

前堅不去。賊騎蜂擁。哀呼母不絕聲。賊以婦貌都也。揮順奪之。婦伸領求斫。抗聲詈賊。賊不能屈。殺之。順童毫無怖。伏地抱屍。哀聲徹天。臨刑猶罵賊。兩手挽母衣不釋。是日天地晦冥。陰風慘厲。見者哀之。撫按爲請卹於朝。

論曰。予聞之。太丘丘君言。賊陷承天。遣將王克生。夾顯陵求寶。烈婦之夫張聯奎。時爲偽陽五知州。多備鈹鋤。獻策求歡。方舉事。倏風雷大作。晝晦。聯奎見金甲。將手持金瓜。擊其頂。口鼻流血。一夜而死。克牛抓去。不知所在。嗚呼。天道恢恢。如此。彼聯奎者。何以見烈婦母子于地下哉。

劉夫人傳

劉夫人名淑，江西南昌人。故忠烈劉公鐸女也。母恭人，蕭於天。故辛酉實生夫人。生之夕，香氣滿室。竟夜不散。數月，卽能端坐。不肯啼笑。劉公曰：得男如此足矣。是雖女，寧馨乃爾。四五歲，恭人訓以孝經論語，輒解大義。會劉公遭璫禍，被逮北上。蕭恭人踉蹌相從。時夫人七齡矣。恭人命留江南。夫人頓足呼曰：我父何罪，我獨不能爲淳于縈乎？願以碧血汚闕下。先父母死，因大號泣。恭人不得已，偕之行。抵燕，劉公入詔。

獄夫人刺血寫表將擊登聞鼓入奏抑之不得上未
幾劉公死東市夫人引刀將自頸乳媪持救之曰如
是奈老母何卽誰爲萬里負骸骨者夫人絕而復甦
者再匍匐舐頸血負而歸葬喪畢悉陳劉公之遺書
讀之窮晝夜不倦旁及禪學劍術孫吳兵法一一精
曉旣長歸同邑王文學次諧無何次諧天時夫人已
有子永銓乃撫棺慟哭告於靈曰未亡人不難一死
以殉顧死易立孤難吾當爲其難者以報君於地下
蓬首素服治家肅然歲癸未張獻忠犯楚豫守令皆

望風竄其縉紳家咸匿山谷時逆闖已逼京師傳聞
鷓湖之變夫人嘆曰先忠烈與王氏皆世祿吾恨非
男子不能東見倉海君得椎報韓然賴與一旅從諸
侯擊楚之弒義帝者乃散家財募死士得數百人併
其僮僕悉以司馬法部署指揮成陳待士卒嚴而有
恩咸用命然孤軍寡援自念當寇徒死無益會滇師
張某適至聞夫人名請謁夫人開壁門見之流涕爲
言且夕過滇營報禮周視營壘閱步伐出千金犒之
佐以牛酒軍中極懽然滇帥心持兩端卒不肯赴敵

又爭長○醉後語不遜○夫人怒○卽筵間拔劍○將斬○師○
 環柱走一軍○皆驚聲呼動天○思反兵相攻○咸被甲○夫
 人不爲動○曰殺一女子○何甲也○吾戴吾頭○聽汝○紫王
 步之內○汝不得恃衆○索紙筆賦一詩○見志有銷磨鐵
 胆○甘吞劍抉○却雙瞳○欲掛門之句○題畢○從容北拜曰
 妾將斷頭○從先國母周皇后在天左右起而責師○憐
 愧○仗劍指陳大義○諸軍聞之○無不變色○却立者○師憐
 且懼○率其麾下○叩首請夫人曰婦言不出闕吾爲
 國難以至於此事之不濟天也將軍好爲之跨馬而

去○盡散其所募士○使歸田里○闢一小庵○手書曰蓮舫
 捨義田百畝○供僧懺亡而自迎其母○恭人歸○母病
 割股進立愈○長齋繡佛○翻窀內典○以終身焉
 論曰唐竇后投牀之泣○忠矣○然未聞能軍○曹娥殉父
 是名曰孝○若節烈之壯○則割耳鼻自誓○夏侯妻稱赫
 赫也○稽古讀父成書○才比彪固○惟班大家夫人○乃能
 兼之○雖古之號爲英雄丈夫者○何以過焉○扶綱植倫
 乃在闔閭○嗚呼降岳格天○亦豈有男女之殊乎



補正集

